

საქართველოს კანონი „იარაღის შესახებ“ საქართველოს კანონში ცვლილებების შეტანის თაობაზე

**მუხლი 1.** საქართველოს კანონის „იარაღის შესახებ“ (სსმ, 14, 03/06/2003, 40.120.000.05.001.001.275) მე-9 მუხლის მე-2 პუნქტში შევიდეს შემდეგი ცვლილება:

1. მე-9 მუხლის მეორე პუნქტს დაემატოს „ო<sup>1</sup>” ქვეპუნქტი და ჩამოყალიბდეს შემდეგნაირად:

„ო<sup>1</sup>) ცენტრალური საარჩევნო კომისიის წევრებს და აჭარის ავტონომიური რესპუბლიკის უმაღლესი საარჩევნო კომისიის წევრებს. “

2. მე-9 მუხლის მე-3 პუნქტი ჩამოყალიბდეს შემდეგნაირად:

„ 3. სამსახურებრივი უფლებამოსილების ვადის გასვლის შემდეგ, საქართველოს კანონმდებლობით დადგენილი წესით, იარაღის ტარების უფლება უნარჩუნდებათ ამ მუხლის მე-2 პუნქტით გათვალისწინებულ პირებს, გარდა იმ შემთხვევისა, როდესაც ისინი დათხოვნილ იქნენ სამსახურიდან დისციპლინური პასუხისმგებლობის ან/და სისხლისსამართლებრივი პასუხისმგებლობის დაკისრების გამო.“

3. დაემატოს შემდეგი შინაარსის 35<sup>2</sup> მუხლი :

**„ მუხლი 35<sup>2</sup>. სამსახურებრივი უფლებამოსილების ვადის გასვლის შემდეგ იარაღის ტარების უფლება**

ამ კანონის მე-9 მუხლის მე-2 ნაწილით განსაზღვრულ პირებს, რომლებსაც სამსახურებრივი-საშტატო იარაღის ტარების უფლება ჰქონდათ, მათ მიერ საქართველოს კანონმდებლობით გათვალისწინებულ უფლებამოსილებათა განსახორციელებლად, თუმცა, სამსახურებრივი უფლებამოსილების ვადის გასვლის შემდეგ ჩამოერთვათ ცეცხლსასროლი იარაღის ტარების უფლება, აღუდგეთ აღნიშნული უფლება ამ კანონის მე-9 მუხლის მე-3 ნაწილის შესაბამისად. “

მუხლი 2. ეს კანონი ამოქმედდეს გამოქვეყნებისთანავე.

საქართველოს პრეზიდენტი

სალომე ზურაბიშვილი